



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» br. 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» br. 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2018. GODINU TUZLANSKE ALTERNATIVE

Broj: 03-07-6-321/19
Sarajevo, 24.04.2020. godine

S A D R Ž A J

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	4
Predmet pregleda i kontrole	4
Cilj pregleda i kontrole	4
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI	5
5.2. PREPORUKE	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Tuzlanske alternative za 2018. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom finansijskog izvještaja za 2018. godine, utvrđeno je da je Tuzlanska alternativa prekršila odredbe člana 4. stav (1), člana 11. stav (1) i člana 12. stav (1) i stav (4) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Tuzlanske alternative za 2018. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Tuzlanska alternativa finansirala se iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	13.067,07	17,45
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	61.798,94	82,55
8.	Prihodi od propagande (3-g)	0,00	0,00
I	Ukupni prihodi (1-8)	74.866,01	100,00
II	Ostali prihodi i drugo	0,00	0,00
	Izvori finansiranja (I+II)	74.866,01	100,00

U godišnjem finansijskom izvještaju za 2018. godinu Tuzlanska alternativa iskazala je rashode u ukupnom iznosu od 59.017,34 KM.

2. PREDSTAVLJANJE POLITIČKE STRANKE

Naziv političke stranke: Tuzlanska alternativa. Skraćeni naziv TA.

Stranka je registrovana kod Općinskog suda u Tuzli, rješenjem broj: 032-0-Reg-13-00251 od 19.03.2013. godine.

Sjedište političke stranke je u Tuzli, ul. ZAVNOBIH-a 15.

Ovlaštena lica za predstavljanje stranke su: Alić Mensur, predsjednik i Velida Mehić, tehnički sekretar. Lice ovlašteno za finansijske izvještaje za 2018. godinu je Merisa Kušljugić.

Prema podacima iz godišnjeg finansijskog izvještaja za 2018. godinu, Tuzlanska alternativa nema niže nivo organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Tuzlanske alternative za 2018. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskog izvještaja Tuzlanske alternative obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju izvršila je pregled godišnjih finansijskih izvještaja u periodu od 2015. do 2017. godine, nakon kojih su izdati izvještaji o reviziji sa mišljenjem revizora, nalazima i preporukama revizije. Nakon izvršenog pregleda godišnjeg finansijskog izvještaja za 2017. godinu, izdat je izvještaj o pregledu sa preporukama stranci da finansijska sredstva obezbijeđena za finansiranje stranke koristi u skladu sa utvrđenim programom utroška sredstava i statutom stranke, da poslovne knjige vodi u skladu sa računovodstvenim propisima, da u poslovnim knjigama uspostavi tačne evidencije o prihodima stranke i da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2018. godinu, utvrđeno je da politička stranka nije ispoštovala date preporuke revizije.

5. NALAZI I PREPORUKE

5.1. NALAZI

a) Tuzlanska alternativa prekršila je odredbe člana 4. stav (1)¹ Zakona o finansiranju političkih stranaka.

Uvidom u Rebalans očekivanih prihoda i rashoda za 2018. godinu koji je dostavila Tuzlanska alternativa, utvrđeno je da je stranka planirala rashode u ukupnom iznosu od 51.000,00 KM.

Tuzlanska alternativa je u godišnjem finansijskom izvještaju za 2018. godinu iskazala ukupne rashode u iznosu od 59.017,00 KM.

Analizom dostavljenog Rebalansa očekivanih prihoda i rashoda za 2018. godinu, utvrđeno je da isti nije sačinjen na način kojim bi se obezbijedila potpuna transparentnost planiranog trošenja sredstava, kao i njegova uporedba sa ostvarenim troškovima.

Stranka nije u svom Rebalansu planirala humanitarne rashode-donacije pravnim i fizičkim licima koje je ostvarila u iznosu od 10.766,19 KM.

S obzirom da je Tuzlanska alternativa finansijska sredstva utrošila mimo utvrđenog Rebalansa očekivanih prihoda i rashoda za 2018. godinu, prekršila je odredbe člana 4. stav (1) Zakona o finansiranju političkih stranaka.

b) Tuzlanska alternativa prekršila je odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

Pregledom godišnjeg finansijskog izvještaja, utvrđeno je da Tuzlanska alternativa nije uspostavila potpune i tačne evidencije o rashodima stranke i nije finansijski izvještaj popunila u skladu sa Pravilnikom o godišnjim finansijskim izvještajima političkih stranaka-u daljem tekstu: Pravilnik, čime je prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

¹ Prema odredbama člana 4. stav (1) Zakona o finansiranju političkih stranaka, finansijska sredstva iz člana 3. stav (1) navedenog Zakona stranka može koristiti isključivo za ostvarivanje ciljeva utvrđenih svojim programom i statutom.

- (1) Služba za reviziju je utvrdila da je stranke u godišnjem finansijskom izvještaju iskazala ukupne rashode u većem iznosu u odnosu na evidentirane u poslovnim knjigama za 11.000,00 KM.

Stranka je na obrascu 4. (rashodi političke stranke) godišnjeg finansijskog izvještaja iskazala ukupne rashode u iznosu od 59.017,00 KM, dok je, kontrolom evidencija iz poslovnih knjiga stranke i uvidom u završni račun stranke za 2018. godinu, utvrđeno da su ukupni rashodi stranke iznosili 48.017,00 KM.

Na obrascu 4.1 (režijsko-administrativni i ostali troškovi) finansijskog izvještaja stranka je iskazala troškove reklame i propagande u iznosu od 11.000,00 KM, te je iste troškove iskazala i na obrascu 4.2 (troškovi propagande).

Uvidom u Račun-otpremnicu dobavljača „OFF-SET Štamarije“ iz Tuzle broj: 1946/2018 od 21.12.2018. godine, utvrđeno je da se radi o nabavci reklamnih majica za stranku u količini od 2.000 komada, sa ukupnim iznosom računa od 11.000,00 KM².

Na osnovu navedenog utvrđeno je da obrasci 4., 4.1 i 4.2 godišnjeg finansijskog izvještaja nisu popunjeni u skladu sa odredbama člana 21, 22. i 23. Pravilnika.

- (2) Tuzlanska alternativa nije u skladu sa poreskim propisima obračunala i uplatila porez na dohodak i pripadajuće doprinose na sredstva isplaćena fizičkim licima po osnovu donacija datim u humanitarne svrhe, niti je u poslovnim knjigama i finansijskom izvještaju iskazala troškove i obaveze po ovom osnovu.

Kontrolom dodatne finansijske dokumentacije i uvidom u blagajničke izvještaje, utvrđeno je da je stranka tokom 2018. godine isplatila donacije za 7 (sedam) fizičkih lica u ukupnom iznosu od 1.200,00 KM.³

S obzirom da sredstva isplaćena fizičkim licima imaju karakter ličnih primanja, stranka je imala obavezu da, u skladu sa poreskim propisima, na sva isplaćena sredstva fizičkim licima, obračuna i uplati poreze i doprinose.

5.2. PREPORUKE

Preporučuje se Tuzlanskoj alternativi da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da finansijska sredstva obezbijedena za finansiranje stranke koristi u skladu sa utvrđenim programom utroška sredstava i statutom stranke,*
- *da poslovne knjige vodi u skladu sa računovodstvenim propisima,*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i*
- *da postupa u skladu sa poreskim i drugim propisima po osnovu kojih proističu dodatni troškovi, odnosno obaveze političke stranke.*

² Stranka nije učestvovala na Općim izborima održanim u oktobru 2018. godine.

³ Isplate izvršene gotovinski putem blagajne stranke.

KOMENTAR

U ostavljenom roku, Tuzlanska alternativa nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2018. godinu.

Šef Odsjeka za revizijske poslove

Sanja Tošović

Revizor

Nevenko Andan

Šef Službe za reviziju

Mr. sc. Hasida Gušić